

Urevas

L' era un negosi pitost picinen, ma dent
sa truava la specialisation del TIC TAC.

Una sveglia rutonda, una bislonga un' oltra quadrada,
tocc segnava al pasac del temp, dela giornada e di ann,
do lancèt che giravan adasi adasi, una pendula dela nona,
un ureloc de puls, un pendul cunt al cucù,
una mosica quotidiana per la belèsa di urecc.

Questu l' era al picul munt de l' urevas,
al gioeusta urelocc, un munt particular,
un munt de TIC TAC, per un' urchestra de ogni ura,
un quadrant de riparà, un moviment de sistemà,
un quadrant de ritucà, un ruben de met a post,
l' urelocc del nonu, se rot la mola,
la pendula là se fermada, nel negusièt,
l' artigia de tot ste munt, cunt pasiensa
e cunt la precision, al gioeustava e al riparava.

Al furgiava in metal, ruotismi grant e picinen,
perfina congegn de armi e seradur, al creava
tot sti rop, sulament cunt i soeu ma,
precision e garansia, un tenich de micromecanica,
revisiunista de moviment cu'l monocul
in mesa ai occ, cunt utensil de precision,
cunt tuleransi necesari per l' estetica urulugifera.

Una lustrada ala casa e al bracial, un po d' oli
in di ingranac, vidèm a carical cusa sucet,
perfet, al va be.....una pendula frecasuna,
de sistema al moviment, tirlich e tirloch,
ta set vegia ma fursionata, una belèsa de rispetà.

“ Urevas, ma se rot la sveglia dela nona,
cuma fo a sveglias дума matina “

“ Porta che ste segna ur, la sistemi in giornada,
per la sveglia de дума, carica al gall vers i cinch “

Una passion de ricordà, una passion de rispetà,
cunt i pendul, e ureloc del nonu, urmai al se cambià,
resta semper la passion de un laurà de precision.

TIC TAC....TIC TAC.

8-11-2017

